

cum illis ita ageret Christus, quasi uno communione vinculo cum ceteris Judæis jungerentur, primasque in Synagoga cathedras tenerent. Super cathedram Moysi sederunt Scribae, & Pharisei (p). Qui blasphemiam in Spiritum Sanctum constituunt in neganda Filii vel Spiritus Sancti Divinitate totam Divinae sententiae significationem assecuti non esse videntur. Non enim agebat Christus de Sancti Spiritus Divinitate, quam luculentè fatis ipse Jesus non adhuc expresserat. Verba eà de re primùm fecerat seorsum cum Discipulis, paulò ante obitum suum, & post Resurrectionem iterum. Ad Divinitatem suam quod attinet, insinuare eo loco videtur Phariseis, siquidem nullo alio praterquam negata sibi Divinitatis crimine irretirentur, omnia se facile condonaturum. Neque enim hanc fidem exigit, nec annunciandum illud Fidei dogma antea jusset, quam post Resurrectionem suam.

Augustino ceterisque sententiam ejus fecit negare quidem non possumus, livorem, nequitiam charitatem proximi destruentem, cum scilicet ad finem usque vitæ duraverint, ac tandem finalem impenitentiam crimina reputanda esse omniveneri spe desituta; sed eadem pariter blasphemiam in Spiritum S. habenda esse vix credimus. Fatemur quidem sceleribus hisce Dei sanctitatem violari, charitati S. Spiritus injuriam irrogari, gratiæ divinæ ad se pellectu suo trahenti homines resistere, eamque tandem, quantum in illis est, evertere atque destruire. Sed nihil illis non commune eà in re cum ceteris aliis criminibus, quibus tamen blasphemiae in Spiritum S. nomen non vindicatur.

Eadem pariter de apostasia, de blasphemia in nomen Dei dicenda manent; quæ omnia à nonnullis Veterum nomine criminis in Spiritum S. designari credita sunt. Immania sunt quidem crimina ad eò, ut nec veniam mereantur, nisi fortè non fucata cordis poenitudine eandem veniam deprecemur: Ut quid tamen hæc potius crimina blasphemiae in Spiritum S. nomine designentur præ Idololatria, perjuriis, aliisque criminibus, quibus majestati, potentiae, & bonitati divinæ injuria irrogatur? Audax ille & impius, qui elatâ manu in Deum fertur, tum in præfenti mundo cum in altera vita diris animadversionibus punitur; quod autem tantum crimen peccati in Spiritum S. nomine à Grotio designetur, nihil est; æquè enim tribus, Patri scilicet, Filio, & Spiritui S. repugnaret.

Quæ Spiritum S. potissimum offendunt crimina, sex assignant Theologi, videlicet 1. Impenitentiam finalem. 2. Desperationem, 3. Obfirmatum in malo animum, 4. Explorata veritati contradictionem, 5. Nimiam de bonitate Dei præsumptionem, quibus in peccatum animamur. 6. Iniquioribus oculis eos suscipere, qui

sincera charitatis vinculo inter se colligantur. Nihil tamen ex his Jesus Christus Phariseis potissimum exprobrat; vitio enim illis vertit, Damonis operationi tribuisse præfita à se opera, quamquam à Deo patrata probè intelligerent.

Simonis Magi crimen, qui vendi sibi, collato pretio, postulavit prodigiorum patrandorum virtutem, tum & manuum impositione prodigia pro arbitrio dispensandi, quemadmodum & ab Apostolis factum narrat (q), alterum est criminis in Spiritum S. genus. Impius enim ille magica operationi præstigiisque tribuebat, quæ Apostoli non nisi divina virtute operabantur. Habebat viros illos divinos tanquam magicis artibus peritissimos, & se pariter Damoniacis illis scientiis instructiores; volebat proinde arcanum illud sibi pretio referari, ut pretio vicissim ipse ceteris venderet. Itaque S. Petrus, veluti dubitans num remissionem de tanto crimine esset impetraturus, denunciavit: Poenitentiam age, si fortè remittatur tibi; quibus fatis insinuavit, non segniter illi laborandum, ut veniam impetraret.

Porro crimen illud neque in hoc mundo neque in altero remissum iri Christus idèd denunciavit, quod naturâ suâ omnem excluderet veniam; directè enim, neque ex obliquo impetit bonitatem, & misericordiam S. Spiritus, fontem proinde arceret à venia, fores occludit indulgentiæ, & divinæ misericordiæ velut aggerem opponit. Ea est enim illorum criminum, ceu lethalium quorundam morborum, indoles, qui alto sopientes torpore ægrotum, negligere, quin & contemnere pariter monita & pharaca Medici languentem cogunt. Accidit etiam interdum, ut non contemnat tantum sanitatem, sed & contraria etiam omnia præflet. Hæc flagitiorum immanitas non nisi prodigiis expugnaretur (r). Parum est igitur, si cum S. Joanne Chryostomo aliisque nonnullis flagitium illud idèd irremissibile credatur, quod egrè expiatur, inesse etiam vitio scelus aliquod reputandum est, quod veniæ naturâ ipsâ repugnet. Nec tamen fines divinæ bonitatis vel potentiae præscribere audemus; sicut neque Ecclesiæ collatam à Christo omnium criminum remittendorum potestatem cum Novatianis negamus. Nullum re ipsa crimen inexpressibile ultro quidem agnosceamus; præsto est enim semper Deus crimini desistentibus remittendo; præsto est semper Ecclesiæ, ut averfos à Deo homines in ejus amicitiam redintegret, modò poenitudinis sugintime minime fucata exhibeant documenta. In hanc sententiam revocandum est illud S. Paciani Ep. 3. ad Symproniam, qui excessisse aliquanto visus est, dum crimen in Spiritum S. extra fines receptæ ab Ecclesiæ absolvendi à criminibus potestatis constituit.

q. Ab. S. 201. 11. 22.

r. Vide Mal. donat. Me. noch. in Matt. 12. 31.

IN EVANGELIUM S. LUCÆ PROLEGOMENON.

a Lucas ex contractione Lucani. Legitur: Evangelium secundum Lucanum in Code. Ms. Bobiensis 1. 1. & S. Jo. de Carbonaria Neapoli altero; & ad calcem Cod. Cottoniani: Explicit Evangelium secundum Lucanum. Vide Mill. ad 1. Thessal. c. 1. b Rom. 16. 21. c Euseb. Hist. Eccles. 1. 3. c. 4. Hieronym. de viris illust. & in Matt. & alii. d Hieronym. quas. in Genes. p. 225. e Adamant. 1. 1. pag. 8. Epiph. hæres. 51. f Hippoly. Ms. in Bibl. Bodlei. apud Mill. Prefat. in Luc. p. 120. Ita & Epiphani. hæres. 51. g Gregor. Magn. 1. 2. Moral. c. 1. Quid apud Theophyl. h Nicephor. 1. 2. c. 43. & 1. 6. c. 6. Theodor. Lector. hist. 1. 1. p. 551. alii. i Quid. apud Orig. in Epist. ad Rom. k 2. Timoth. 4. 11. Philem. ver. 23. 24. Coloss. 4. 14. l Rom. 2. 16. m Luc. 1. 1.

Lucas sive Lucanus (a), ut in nonnullis Mss. vel Lucius, ut in Epistola Apostoli ad Romanos (b), oriundus erat Antiochiâ urbe Syriæ metropoli, & medicinam non sine egregiâ laudis famâ, addidit. Hieronymus professus est (c). Celibem vitam agens neque conjugem ullam duxit neque liberos genuit, ut in Additione ad viros illustres ejusdem Patris legimus. Sunt qui Paganum religionem crediderint (d), cui tandem S. Paulus Evangelium Antiochiæ annuncians fidem persuaserit. Judæum tamen alii, & de numero Septuaginta Discipulorum arbitrantur (e). Narrant S. Hippolytus (f), & S. Epiphanius, virum illum, cum audisset Jesum dicentem: Qui non manducat meam carnem, nec bibit meum Sanguinem, non est me dignus, abalienatum recessisse; iterum deinde Pauli concionibus ad pristina consilia revocatum. Unâ cum Cleopha iter egisse ad Emmaus, cum Jesum habuerunt in comitatu, alii ex Patribus testantur (g).

Alii tandem memorie prodiderunt, pingendi scientiâ non imperitum [h], tabulas plures, quas monstrant, posteritati transmisisse. Censent pariter (i) confundendum cum Lucio, de quo S. Paulus in Epist. ad Rom. 16. 21. quem virum necessitudine cum Apostolo conjunctum arbitrantur. Meminit porro Lucæ itinerum suorum comitis idem Apostolus in suis Epistolis non semel (k); autumantque nonnulli, Apostolum illum familiari eâ phrasi (l), secundum Evangelium meum, scriptam à Luca Evangelium designare, de quo pariter interpretantur ejusdem Apostoli illud 2. Cor. 8. 18. Misimus etiam cum illo fratrem, cujus laus est in Evangelio per omnes Ecclesias; non solum autem, sed & ordinatus est ab Ecclesiis comes peregrinationis nostræ.

Dicit tamen hucusque non æquè certa sunt omnia; nec meliori fide assertum à nonnullis Veterum credimus, virum illum inter Septuaginta Discipulos Jesu Christi adlectum fuisse. Scribit enim de se Evangelista, non nisi oculatorum testium fide & revelatione Opus suum scripsisse (m). Tertullianus pariter velut exploratissimum constituit, nunquam illum inter Disci-

pulos Jesu Christi cooptatum, Evangelium non nisi S. Pauli revelatione didicisse (n); idemque Scriptor cum S. Ireneo lib. 1. cap. 20. virum Apostolicum tantum appellat. Huius pariter sententiæ multò magis repugnant, quicumque ex Pagano vel Profelyto ad fidem traductum arbitrantur. Pingendi arte peritum nemo Veterum ante Nicephorum agnovit. Quod autem eam opinionem inducere potuit, illud facile reputandum est, quòd plura de infantia Jesu Christi, & rerum gestarum Beatæ Virginis, frustra alibi quaerenda, exhibuerit.

Apostoli Pauli Discipulum & itinerum socium fuisse nemo quidem negat; quo tamen potissimum tempore in ejus se clientelam assererit, disquiritur. Quicumque ab Apostolo Antiochiæ versante ad fidem traductum arbitrantur, ab eo tempore Magistro fidem & indivisum comitem adhefisse defendunt: quam opinionem secutos credimus SS. Epiphanius & Hippolytus. Idem pariter docet vetus Ms. Cantabrigense, cui Pearsonius suffragatur. Malunt alii accessisse S. Paulo comitem Troade, laudantes in eam rem illud Actuum 16. 8. 9. 10. Statim quæsovimus à Troade proficisci in Macedoniam; quibus verbis unâ cum Paulo versari se Lucas ejus Libri author fatis insinuati. S. Irenæus pariter itinera S. Lucæ unâ cum Apostolo facta percurrens, inde narrationem suam exorditur (o). Nicephorus, & Græci recentiores (p) autumant, S. Lucam avitis erroribus renunciatum venisse Thebas Bœotiæ; sed hæc recentiorum Græcorum tantum fide asserta, nullius sunt momenti. S. Lucam in itineribus suis profectum, alienum esse à nostro instituto arbitramur.

Post Pauli excessum, diutius vitam produxisse ex eo credimus, quòd plurimum sententiâ 80. vel 84. annorum grandævus vitâ excesserit. S. Epiphanius hæres. 51. testatur, annunciatum ab illo Evangelium in Dalmatiâ, Galliis, Italiâ & Macedoniâ. Ex urbe Roma in Græciam rediisse non modo animarum compendio, testatur Nicephorus 1. 2. c. 43. Venisse in Ægyptum, Lybiam, & Thebaidem, Metaphrales est author. Diem clausisse in Achaja creditur (q); unde sacra ejus Iysana Constantinopolim sub Constantio translata asserit Philothorgius 1. 3. c. 2. Thebis in Bœotia, Nicephoro auctore,

n. Cont. Mars. 1. 4. c. 2.

o. Iren. 1. 3. c. 14. p. Nicephor. 1. 2. c. 43. Metaphra. 18. Olibri.

q. Hieron. de Viris Illustr. Gaudent. Brix. hom. 17.